

武昌革命史

上

曹 亚 伯 著

上海书店印行

曹亞伯著

武昌革命真史
前編

楊德麟字性恂。毓麟之長兄也。好學深思。篤信陽明知行合一之說。爲日知會會員。奔走國事。盡心教育。與毓麟可稱難兄難弟。且一生謹慎。耐艱苦。事親孝。作事則腳踏實地。不尙空談。寡言笑。死後家極蕭條。

武昌革命真史

曹亞伯

自叙

革命者。本天性之慈悲。而爲世人除凶暴求平等之事業也。予生八歲。聞屠人語。中國人有辦。乃降服外國人之表誌。方今皇帝。卽外國人。予聞之憤甚。謂中國人不應許外人作皇帝。謹記之。因藐視讀書人之無志。惟斤斤於求爲翰林。從無敢求爲皇帝者。然於吾國之聖賢。極崇拜之。以其嘉言懿行。可爲斯人之圭臬也。聞耶穌教爲異端。痛惡之。年十五。至大冶縣福音堂。與駐堂教士張長善尋仇。大罵之曰。洋奴邪言惑衆。吾若得志。必殺盡若輩而後已。張對予唯微笑。予奇之。自揣設有人指予辱罵。吾必不然。旋張示予一書。名曰格物探源。乃上海廣學會所譯。予生長於極閉塞之興國州崇山中。見此新書。極其快意。欲借一讀。張故靳而不與。予強借。頓悟守舊之非。卽入大冶縣福音堂爲信徒。於是家庭革命。社會革命之思想。日往復於胸中。不顧自身之一切。時與舊習慣相抗矣。適家中落。家君欲吾訓蒙。予向家慈求得川資。至武昌。考入農務學堂肄業焉。庚子秋七月二

十六日。唐才常革命案破。林述唐、傅致祥、李炳寰、蔡承煜、王天曙、黎科、瞿河清七人。於二十七日。被張之洞殺於武昌之天符廟。予見其血。聞其血腥。心益悲痛。次日唐才常被殺於武昌之大朝街附近。許匯東親見之。聞其臨刑前之一刹那。曾口占一詩。有句云。剩好頭顱酬死友。無真面目見羣魔。迄今猶雠誦不置也。是年冬。予考入兩湖書院。日與南齋王文豹、王愷憲、周震麟、黃軫（即黃興）輩周旋。王寅春兩湖輿地教授鄒沅帆先生。應清學部張百熙之召。調予與王文豹二人入京充編纂。臨行變計。派予與王文豹往湖南新化辦中學。予雖教博物及數學。然處處引發學生革命之思想。予憶授一加法命題。謂吳三桂引清兵入關時。大殺漢人。在揚州十日。殺八十萬人。在嘉定屠城三次。殺二十五萬人。其餘漢人因不肯蓄辮投降者。即殺無赦。又殺十八省同胞幾三百萬人。共殺漢人若干云云。此予教法之一例也。予又教授柔軟體操。每上操場。必向學生演說漢人文弱被壓制之苦痛。是時譚人鳳在新化教小學。常率小學生來會操。聆演講。同時陳天華留學日本。專著革命小冊子。如警世鐘、猛回頭等。輸入湖南湖北之各學堂各軍營中。而新化學界革命之思潮。幾不可遏止矣。是年秋。錢維驥來新化教國文。介紹禹之謨與余交。因

禹極抱亡國之痛也。冬假，予渡日本，過長沙時，適經正學堂小學生胡宗琬（即胡瑛，至民國後，失節勸進，種種無行，非意料所及），結黨暗殺劣紳王益吾，未成，被國文教授陸詠霓革出。王君復生告予，予異之。即介紹胡宗琬於建築武昌武普通學校之吳祿貞。是年吳祿貞與耿觀文、李書城亦游湘，以覘革命運動之成績。癸卯三月，予復返新化中學。過武昌訪吳祿貞，問胡宗琬之行踪。彼已派至沙市、宜昌、湘西一帶與會黨聯絡去矣。先是劉敬安於武昌組織一救世軍，秘約軍中同志分途運動。聞胡宗琬將至鄂，會合於蛇山之頂，準備歡迎。到會者，即劉與辜天保、季雨霖、方柏年、張漢、徐竹平、徐于七人。胡至後，即組織科學補習所於武昌山前東廠口，與劉敬安、馮特民、朱萍洵、時伯弼、宋教仁、易本義、張朗村、王漢、朱子龍輩分道進行。倘張之洞有招兵事，劉敬安必先知。因劉在南湖馬隊營，黎元洪營部充書記。予知黎元洪之名從此始。胡宗琬即用秘電招會黨來入伍。科學補習所專作介紹入伍機關。當時所用密碼，招兵曰貨，速派弟兄們來曰辦貨。兵器曰海帶。未介紹入伍之先，必受科學補習所之秘約，約中大意謂吾漢人四萬萬，亡國於滿清之手，已二百數十年，受盡苦痛。諸君此次入伍，務學成健兒，待時機至，即起而革

命。光復漢族爲一定之宗旨。其時張之洞所募新軍。大半科學補習所介紹之新貨也。予抵新化。不及兩月。新化縣知事張某。浙人。向湘撫趙爾巽秘告予謀反叛逆。欲吾頸血。染彼紅頂。不意趙爾巽怵於甲午之敗。亦頗有維新之隱衷。加以其人忠厚。本性愛才。不惟不究。反參去新化縣張知事。永不錄用。而新化中學校董彭莊仲、晏穀如、鄒价人、伍子奇輩。雖久謀革命。終恐學校被予破壞。斯時新化留日陸軍學生楊源濬（字伯笙）新自東京歸。帶有陳天華之猛回頭七千冊。皆被諸校董焚去。予遂不願久留。卽於五月下益陽。至長沙。受錢維驥、童時三及齊耀農所辦甯鄉中學之聘。兼任汪德植所辦求中學校。及彭梅生所辦長沙中學之教席。聞黃吉亭牧師爲長沙聖公會會長。愛國心長。并辦有日知會以開民智。予遂依之。爾時黃興先由上海吳國光會長介紹。已與黃牧師相見。記名爲會員。從此學界軍界皆入於聖公會之門。而長沙之日知會。乃極一時之盛。甲辰暑假中。予又至江西吉安府。廖笏堂處運動軍隊。時笏堂爲統領。駐吉安。新化學生投其隨營學堂者不少。適廖往瑞昌辦教案。予從容向吉安民衆演說。并散猛回頭警世鐘諸書。吉安正府試予洋裝無辦。聽演說者大半應試生。竟有人持予所散書至知府胡祖謙前。

告秘。江西巡撫夏時間知。用萬急公文至吉安軍營指名捕予。就地正法。營中教授江彤侯、秘書長張通煥、送予川資三十串以行。予并不知有就地正法之公文。過南昌。又至郭人漳（字寶森）所辦之隨營學堂演說。次日即抵九江。乘輪上駛矣。予離吉安之次日，陳天華亦至吉安。因予案發。彼不能安居。遂由袁州經萍鄉而至長沙。受盡內地運動之折磨。予抵武昌。住科學補習所。吳祿貞邀予居其家。因匆匆不便。暫留科學補習所以便奔走。所中辦事極忙者。即劉敬安、胡宗琬、宋教仁、易本義、時伯弼、朱子淘諸人。予因奔走過久。倦極鼾睡中。有鼠齧予皮鞋。至真皮知痛始驚而醒。所中無傭工。惟宋教仁、易本義常爲衆效勞。所中無用費。予曾向劉百剛借二十元接濟之。時忽屆秋。予復至長沙。每日於三學堂授課外。即往日知會辦事。并每日按時至西長街循道會福音堂演說。凡以促革命之成功而已。甲辰九月。長沙革命失敗。長沙日知會亟遣人秘告武昌科學補習所。即時停辦。以防株連。至冬假。予過武昌。知高家巷聖公會胡蘭亭牧師辦有日知會。又集合科學補習所同志劉敬安、馮特民輩全體加入。繼續革命之進行。乙巳。會務極發達。丙午夏。復設科學補習所於日知會內。一時軍學兩界。聲氣互通。有若機括之將發。秋冬之

交郭堯階洩其謀於巡警道馮啟鈞。劉敬安朱松坪等被逮。而日知會科學補習所諸同志。遂分設各機關。別立會名社名甚夥。而機事益密。此辛亥起義之前因也。噫。予愧不學。少未聞釋老孔墨諸勝義。及其長也。痛我政治不良。艷羨歐風。舉西來一切政教藝術。莫不推崇而樂從之。未免蔑視舊有禮教。而於家國之革命。不無過勇之愆。蓋道之真以治身。其緒餘以治國家。其土直以治天下。外重者內拙。意不誠。心不正。不足以言修齊治平也。自民國成立以來。吾同胞痛苦日增。乃至上無禮。下無學。賊民朋興。謂非革命者不能自苦以利天下之咎乎。嗚乎。予亦一罪魁也。予幸從故友張純一先生之規勸。虔誦佛經。已六年於茲。今始知基督教爲天魔外道。而儒道墨諸家所言之治道。允宜潛心宣究。尤宜以佛教爲歸。則利他以自利。庶幾有利而無弊矣。予今爲此言。所以懺悔三十年來一切昏動之罪。亦以仰慰陳公星台在天之靈。更望後之言革命者。先自革其我見之非始也。各省革命之同志極多。予未能一一記錄。遺忘缺漏。知所不免。茲特就予所見聞之可言者。略爲紀述。以明真相。供史家採擇焉。

民國十六年六月十五日曹亞伯叙於崑山之平居



第四頁后

黃興先生遺像

黃興字克強。湖南善化人。在兩湖書院肄業時。原名軫。字厘午。勤學寡言笑。以身許國。力行革命。破家產以作運動之資。器量寬宏。性情篤摯。初練鄉團。爲劣紳所阻。復興學以聯學子。更奔走草澤間。以結納英俊。長沙之役失敗後。走日本。結合各省志士組織同盟會。推孫文爲會長。效命兩粵。屢敗屢起。百折不撓。河山爲之壯色。以慈悲心。行救國事。可謂任矣。武昌起義。喋血陽夏。設無漢奸。民國早定矣。

瑞祥仁兄友閣下

吳國光

敬啟者有敬友黃興號競武係湖南省長
沙府善化縣籍數次到聖彼得堂守道將要
記名此刻回府並閣下收入登冊記名內妙

大安
叩請


右片卽上海聖彼得堂吳國光會長。介紹黃克強初見長沙吉祥巷聖公會黃吉亭會長之介紹書也。時克強自日本宏文速成師範畢業甫返國。欲經營湖南之革命。此其動機也。歲在光緒二十八年壬寅春。



第四頁后

宋 公 教 仁 遺 像

宋教仁字頓初。湖南湘西人。肄業於武昌自強學堂時。卽作革命之運動。善屬文。工小篆。宣傳革命宗旨於秘密會社極有力。長沙之役失敗後。亡命東京。與各省愛國之士秘謀革命。并奔走於東三省與草澤英雄及莘莘學子間。作一勞永逸之計。政治手腕。獨具靈光。惜武昌倡義。未能澈底。而漢奸柄政。卒爲袁世凱所暗殺。



右長沙日知會帳目。

長沙吉祥巷聖公會。鑒於庚子之役。由於民智之蔽塞。乃創設日知會。收藏書報。僅供會衆流覽而已。初無與於政聞也。歲癸卯。適黃牧師吉亭董其事。愚以國事日非。應亟謀政治之改革。商之黃牧師。擴充日知會。無論何教人皆可來會縱覽。凡來觀者。必有人與接談。卽痛陳內治之腐敗。外侮之由來。於是樂爲會員熱心贊助者不乏人。大抵不計成敗。惟求日知會之發展。足以促進政治之革新耳。自癸卯至乙巳三年中。一切支付。詳實俱在。茲特將捐款者芳名照出。以資徵信。表中范君陽叟。卽范陽叟四明盧鴻滄也。